

2016 年华人联合请法团

# 中观四百论

台湾国际藏传法脉总会 恭制



# 目录

说法前课诵 .....	1
《释迦佛赞》 .....	1
《释迦心咒》 .....	2
《般若波罗蜜多心经》 .....	2
《回向偈》 .....	2
《短曼达供养文》 .....	3
《请转法轮》 .....	3
《皈依发心》 .....	3
《般若经礼赞文》 .....	4
《现观庄严论》礼赞偈 .....	4
《中观根本慧论》开首礼赞偈 .....	5
《中观根本慧论》结尾礼赞偈 .....	5
《释量论》礼赞偈 .....	5
《佛教无派别弘扬愿文》 .....	6
《至高那难陀寺十七大班智达之显明三信祈请文》 ...	8
《法王长寿祈愿文-无死成就》 .....	10
《祈请尊者长住偈》 .....	11
说法完结课诵 .....	12
《广论祈愿文》 .....	12
《愿心仪轨》 .....	12
《供茶偈》 .....	15
《中观四百论》序言 .....	16
《中观四百论》 .....	18
第一品 明破常执方便品 .....	18
第二品 明破乐执方便品 .....	20
第三品 明破净执方便品 .....	22
第四品 明破我执方便品 .....	24
第五品 明菩萨行品 .....	26
第六品 明断烦恼方便品 .....	28

第七品	明人远离贪著欲财方便品 .....	30
第八品	净治弟子品 .....	32
第九品	破常品 .....	34
第十品	破我品 .....	36
第十一品	破时品 .....	38
第十二品	破见品 .....	40
第十三品	破根境品 .....	42
第十四品	破边执品 .....	44
第十五品	破有为相品 .....	46
第十六品	教诫弟子品 .....	49

## 2016 华人请法团课诵

### 说法前课诵

#### 《释迦佛赞》

礼敬、供养、皈依导师。世尊·如来·应供·正遍知·明行足·善逝·世间解·调御丈夫·无上士·天人师·佛·吉祥世尊·胜者·释迦能仁。(诵三遍)

当汝二足中尊降生时，	于此大地跨出七妙步，
宣说于此世间我最尊，	彼时具智世尊我礼敬。
具有清净尊体最胜色，	智慧大海犹如金须弥，
美名令望显赫于三界，	怙主证得最胜我礼敬。
胜相具足无垢月容颜，	色如纯金于汝我礼敬，
三界无有如汝离尘者，	无等智者于汝我礼敬。
我于大悲依怙尊，	一切相智说法者，
福泽功德大海田，	如来尊前恭敬礼。
我于离欲之清净，	度脱恶趣之妙善，
独一最上之真实，	寂灭正法恭敬礼。
我亦于诸已度脱，	指解脱道具福德，
善住清境学处者，	圣田僧伽恭敬礼。
连一小恶皆莫作，	众善圆满尽奉行，
自心己意遍调伏，	此是世尊佛陀教。
如星翳障或灯火，	如幻朝露或水泡，
如梦闪电或云彩，	有为法应如是观。
愿诸友情能以此功德，	证得佛果调伏过失贼，
并且脱离轮回大苦海，	永出老病死浪之波荡。

## 《释迦心咒》

嗡 牟尼 牟尼 玛哈 牟尼耶 梭哈

## 《般若波罗蜜多心经》

观自在菩萨 行深般若波罗蜜多 时照见五蕴皆空 度一切苦厄 舍利子 色不异空 空不异色 色即是空 空即是色 受想行识 亦复如是 舍利子 是诸法空相 不生不灭 不垢不净 不增不减 是故空中无色 无受想行识 无眼耳鼻舌身意 无色声香味触法 无眼界乃至无意识界 无无明亦无无明尽 乃至无老死 亦无老死尽 无苦集灭道 无智亦无得 以无所得故 菩提萨埵 依般若波罗蜜多故 心无罣碍 无罣碍故 无有恐怖 远离颠倒梦想 究竟涅槃 三世诸佛 依般若波罗蜜多故 得阿耨多罗三藐三菩提 故知般若波罗蜜多 是大神咒 是大明咒 是无上咒 是无等等咒 能除一切苦 真实不虚 故说般若波罗蜜多咒 即说咒曰 揭谛揭谛 波罗揭谛 波罗僧揭谛 菩提萨婆诃

## 《回向偈》

愿消三障诸烦恼 愿得智慧真明了  
普愿灾障悉消除 世世常行菩萨道

### 《短曼达供养文》

萨席钵吉曲兴美舵丈木      利饶林席尼迭坚巴迪  
妙香遍涂花散之大地，      须弥四洲日月所庄严，  
桑杰兴笃弥迭普哇宜      卓坤南木达兴喇决巴秀  
观如佛土我乐敬供养，      愿诸有情共享此净土。

### 《请转法轮》

杰尊喇嘛檀巴切南纪      确故喀喇谦最曲津契  
至尊上师尊胜汝等众，      法身虚空密布悲智云，  
吉搭仓悲笃且津玛喇      洒杰确纪恰巴哇笃硕  
随于相应徒众大地上，      祈请降澍深广妙法雨。

伊当木咕噜饶那曼札拉贡木尼雅大雅弥

### 《皈依发心》

桑杰却倘措计秋南木拉      蒋处琶度达尼加苏企  
诸佛正法众中尊，      直至菩提我皈依，  
达吉却年吉贝梭南木计      卓喇偏企桑杰祝巴秀  
我以布施等资粮，      为利众生愿成佛。

《般若经礼赞文》

无可言思般若度， 不生不灭虚空体；  
各别自证智行境， 三世佛母我敬礼。

《现观庄严论》礼赞偈

年拓 席哇 措南木 坤谢 匿记 涅席 契最 康寅 檔

求寂声闻由遍智， 引导令趣最寂灭，

卓喇 篇吧 且南木 朗谢 匿记 吉滇 屯祝 最吧 康

诸乐饶益众生者， 道智令成世间利，

康檔 扬达 登悲 图南木 南木吧 坤登 那措 迪宋吧

诸佛由具种相智， 宣此种种众相法，

年拓 蒋处 森悲 措节 桑杰 记匿 云木迭 喇洽擦

具为声闻菩萨众， 四圣众母我敬礼。



《中观根本慧论》开首礼赞偈

康吉 滇津 最哇炯	噶吧 没吧 结没吧
不生亦不灭，	不常亦不断，
切吧 没吧 搭没吧	翁哇 没吧 卓没吧
不一亦不异，	不来亦不去。
踏迭 屯明 屯基明	哲吧 涅席 席滇吧
能说是因缘，	善灭诸戏论，
卓悲 桑杰 玛南木记	档木巴 迭喇 洽擦洛
我稽首礼佛，	诸说中第一。

《中观根本慧论》结尾礼赞偈

扛吉 图杰 涅宋内	搭哇 汤杰 邦威契
瞿昙大圣主，	怜愍说是法，
档木悲 确匿 东最吧	果当木 迭喇 洽擦洛
悉断一切见，	我今稽首礼。

《释量论》礼赞偈

舵悲 札哇 南木些津	洒津 嘉切 故昂瓦
清除一切分别网，	蕴含甚深广大身，
坤度 赏钵 欧协达	坤内 措喇 洽擦洛
普皆贤善众光芒，	遍照一切我敬礼。

## 《佛教无派别弘扬愿文》

四身自性遍智日亲尊，  
文殊密主度母鬘眉者，  
七付法师二胜六庄严，  
许诺专一饶益教法众，  
尊胜能仁曾于无量劫，  
悲智勇已究竟真谛力，  
雪山境域佛教光明门，  
译班持明君民发心力，  
广大教言珠宝光晕中，  
深广精粹光耀极灿烂，  
原始光明中心大隆钦，  
前赴普贤原始佛果法，  
甚深见和广大行传承，  
胜者源处(仲敦巴)传来教授规，  
三法藏所摄之胜者言，  
具七天法甘丹金鬘串，  
译师玛巴、喜笑金刚等，  
无比传来教言甚稀有。  
轮涅诸法俱生心精华，  
万有轮涅普遍大手印，  
佛语耳传具足四量理，  
瑜伽自在特色教授规，  
甚深中观见和相关连，  
深明巧弘善慧胜者教，  
三法藏汉四续部之义，  
无量寿光至圣观世音，  
诸佛佛子菩萨之大众，  
八十成就十六罗汉等，  
胜士菩萨无遗请垂念！  
圆满福德智慧二资粮，  
祈愿圆满胜教久兴旺。  
最初开启者师君三尊，  
祈愿雪域胜教久兴旺。  
甚深修行派别大法源，  
祈愿雪域胜教久兴旺。  
轮涅诸法合集乘之顶，  
祈愿雪域胜教久兴旺。  
拥圆教授库藏阿底峡，  
祈愿雪域胜教久兴旺。  
教授善汇集于三士夫，  
祈愿雪域胜教久兴旺。  
加持源处嘎举珠宝藏，  
祈愿雪域胜教久兴旺。  
了悟心性离戏法身性，  
祈愿雪域胜教久兴旺。  
实修因道果之深要诀，  
祈愿雪域胜教久兴旺。  
大密金刚乘之二次道，  
祈愿雪域胜教久兴旺。  
圆满道之自性众次第，

2016年华人联合请法团课诵

无错谬实修之殊妙宗，  
和余经续讲轨不相同，  
教证受教普觉二派别，  
总之讲说十二柱弟子，  
显密双运富有多要诀，  
持教寿固和谐僧伽众，  
虔信教法士夫遍地上，  
世间一切战乱和饥荒，  
有情慈爱情器吉兆增，  
我愿从此于圆教法道，  
闻思修持专一勤努力，  
尽虚空际为诸有情故，  
无有怯弱嗜恶和懈怠，  
我之身和受用诸善根，  
彼等一切苦集任何者，  
祈愿见闻忆念信解我，  
讥毁鞭打宣扬恶名者，  
总之乃至虚空尚安住，  
我亦安住直接和间接，  
祈愿雪域胜教久兴旺。  
外内余三时轮金刚尊，  
祈愿雪域胜教久兴旺。  
修行传承总乘希杰等，  
祈愿雪域胜教久兴旺。  
以三法轮保护佛教法，  
祈愿无派胜教久兴旺。  
恶毒思行名字亦不闻，  
善乐大海普遍于各方。  
广大发心甚深之正见，  
永暂究竟乐地愿速登。  
于诸能王佛子悦意行，  
祈愿趣入七信之喜乐。  
成为一切母众安乐因，  
愿彼一切皆成熟于我。  
众皆享受善乐之吉祥，  
愿彼所有具菩提道缘。  
众生痛苦仍在尔许时，  
愿成利益安乐之作者。

此亦了知导师法理已，获得信心，且于无派别佛教已得净相信解恭敬，殷勤努力于闻思修之释迦沙门滇津嘉措，于共认导师般涅槃2543年，藏历2126年十七火兔己卯1月1日，公元1999年9月28日，在圣境喜马拉雅阿迭冈饶炯空达兰萨拉，大乘法林撰写，如是修行，愿诸佛佛子众赐加持。愿善乐增！

释法炬恭译 2013/12

《至高那难陀寺十七大班智达之显明三信祈请文》

- |    |                        |                        |
|----|------------------------|------------------------|
| 1  | 恒念利众悲心所造作<br>缘起语令有情度脱者 | 得胜断证救护天之天<br>如日宣说能仁稽首礼 |
| 2  | 佛母密意离边真实义<br>依教明辨大乘中观轨 | 善以甚深缘起理明说<br>龙树菩萨足下我祈请 |
| 3  | 其之心子善巧成就尊<br>持守龙典诸师顶奇宝 | 达彼内外宗义大海岸<br>圣天佛子足下我祈请 |
| 4  | 诸圣密意究竟缘起义<br>明辨已登殊胜成就地 | 假有唯名甚深扼要处<br>佛护论师足下我祈请 |
| 5  | 遮破实成事物诸生边<br>创开此宗一切班智达 | 承许正量共显与外境<br>清辩论师足下我祈请 |
| 6  | 仅有依此缘起之因缘<br>善授深广显密圆满道 | 尽灭二边明空中观理<br>显明善说月称我祈请 |
| 7  | 希有最胜大悲心佛道<br>即于有福所化善说者 | 依彼深广理论诸多门<br>寂天佛子足下我祈请 |
| 8  | 随机创演二空中观道<br>阐扬佛陀圣教于雪域 | 善辨中观释量诸理论<br>静命论师足下我祈请 |
| 9  | 离边中观见及二止观<br>圣教无谬明示雪域中 | 同顺显密善释修次第<br>莲花戒师足下我祈请 |
| 10 | 慈氏随摄遍大乘经藏<br>随教辨示唯识之车轨 | 善巧弘传并示广大道<br>无著菩萨足下我祈请 |
| 11 | 阿毗七论执持二空轨<br>普称第二遍知大智者 | 有经唯识宗派善显示<br>世亲菩萨足下我祈请 |
| 12 | 为以事势理示佛经论<br>施予智慧之眼量理师 | 善巧宣说诸多量理门<br>陈那论师足下我祈请 |
| 13 | 内外量理扼要皆通达<br>令解最胜法理善授者 | 有经深广诸道由理论<br>法称论师足下我祈请 |

2016年华人联合请法团课诵

- |    |                        |                        |
|----|------------------------|------------------------|
| 14 | 无著兄弟所传般若义<br>燃点显明庄严论义炬 | 犹如远离二边中观轨<br>圣解脱军论师我祈请 |
| 15 | 得佛授记开演般若义<br>明示三母般若圣教典 | 犹如慈尊怙主其教授<br>闍黎狮子贤足我祈请 |
| 16 | 善摄万藏律仪诸密义<br>无谬善授坚稳胜智者 | 随顺有部善说别解脱<br>功德光前我今作祈请 |
| 17 | 三学功德宝藏得自在<br>善解广大教义持戒师 | 为令无垢律教恒弘扬<br>戒师释迦光前我祈请 |
| 18 | 遍诸能仁言教深广轨<br>传流胜教雪域具恩者 | 显明摄为三种士夫道<br>尊者阿底峡前我祈请 |
| 19 | 如是南瞻庄严智者最<br>坚固清净意于其祈请 | 希有善说源流处诸尊<br>自续成熟解脱祈加持 |
| 20 | 通达基法道理二谛义<br>正量引生坚稳三宝信 | 次以四谛证轮回还灭<br>安立解脱道根祈加持 |
| 21 | 欲求止息苦集解脱者<br>偏布十方悲心为根本 | 出离心及欲度诸众生<br>加持修成任运菩提心 |
| 22 | 极大车轨教典一切义<br>诸道扼要闻思而修持 | 波罗蜜多金刚乘深处<br>易获定解此心祈加持 |
| 23 | 愿能世世善得三学身<br>如斯持守以及令遍布 | 说证二教宣讲及修持<br>如诸轨师于教尽奉行 |
| 24 | 一切集教皆由闻及思<br>诸贤成就大师极增长 | 讲修如是渡日断邪命<br>令兹南瞻大地恒庄严 |
| 25 | 愿依此趣显密诸地道<br>速急证得殊胜佛果位 | 二利任运一切种智位<br>利诸有情乃至虚空尽 |

阿旺扎西恭译

## 《法王长寿祈愿文-无死成就》

喻梭谛（愿吉祥）！

无垠胜者三密尽无遗，  
有寂善妙总源如意宝，  
我等猛力殷盼诚祈请，  
长寿益壮百劫永坚固，  
法界遍明领域俱齐入，  
无数所依能依坛城中，  
我等猛力殷盼诚祈请，  
长寿益壮百劫永坚固，  
断证功德浑圆功勋业，  
缅怀饶益十力天中天，  
我等猛力殷盼诚祈请，  
长寿益壮百劫永坚固，  
断证功德浑圆功勋业，  
缅怀饶益十力天中天，  
我等猛力殷盼诚祈请，  
长寿益壮百劫永坚固，  
从三世间必定解脱出，  
无漏不动普贤善吉祥，  
我等猛力殷盼诚祈请，  
长寿益壮百劫永坚固，  
摧坏三有幻轮最骁勇，  
不离解脱金刚之城邑，  
我等猛力殷盼诚祈请，  
长寿益壮百劫永坚固，

随所调伏示现幻化舞，  
直间恩泽上师海会众，  
雪域怙主滇津嘉措尊，  
希愿任运成办祈加持。  
离尘大乐智能幻化云，  
现出一切本尊诸天众，  
雪域怙主滇津嘉措尊，  
希愿任运成办祈加持。  
景相众生界海恒游戏，  
无边三时一切胜者众，  
雪域怙主滇津嘉措尊，  
希愿任运成办祈加持。  
景相众生界海恒游戏，  
无边三时一切胜者众，  
雪域怙主滇津嘉措尊，  
希愿任运成办祈加持。  
殊胜寂静清净珍宝源，  
三乘微妙正法诸海会，  
雪域怙主滇津嘉措尊，  
希愿任运成办祈加持。  
现前亲见谛义智慧者，  
明脱圣者一切僧伽众，  
雪域怙主滇津嘉措尊，  
希愿任运成办祈加持。

空行刹土境域尸林中，  
协助成办瑜伽殊妙道，  
我等猛力殷盼诚祈请，  
长寿益壮百劫永坚固，  
金刚持之法印手印结，  
卫护教及持教威势尊，  
我等猛力殷盼诚祈请，  
长寿益壮百劫永坚固，  
如是无欺殊胜依归众，  
无穷浊苦煎逼之我等，  
昂望洛桑滇津嘉措尊，  
尽离坏灭金刚藏座上，  
无边胜者众之事业担，  
饶益一切珍贵悲心者，  
圆具彼力贤缘虚空扉，  
一切时处广弘佛教法，  
莲华手之加持甘露流，  
如教奉行供养亲近已，  
稀有诸佛佛子之加持，  
我以清净增上意乐力，  
幻现空乐百姿之游艺，  
三境勇父空行众海会，  
雪域怙主滇津嘉措尊，  
希愿任运成办祈加持。  
不离近严发髻头颅已，  
具智慧眼护教大海众，  
雪域怙主滇津嘉措尊，  
希愿任运成办祈加持。  
深心至诚恭敬祈请力，  
祈请雪域众生独怙主，  
三密不坏不变不衰颓，  
经劫大海不动恒坚固。  
坚毅挑起伟业于肩上，  
祈如希愿任运而成办。  
有情憩息祥瑞恒解脱，  
吉兆遍满普提有寂顶。  
愿恒成熟我等心元气，  
普贤妙行大海臻究竟。  
缘起无欺无诳之真谛，  
祈愿顺利速办诸愿望！

### 《祈请尊者长住偈》

康利饶威郭威欣康迪  
于此雪岭环绕国土中，  
坚瑞席汪滇津嘉措宜  
观音自在滇津嘉措尊，

偏欆迭哇玛吕炯威内  
一切利益安乐根源处，  
霞贝硅贴琶笃滇久纪  
愿其莲足坚住三有尽。

# 说法完结课诵

## 《广论祈愿文》

久勤所积福智二资粮	无限宽广如空尽所有
为导愚痴蔽障慧眼众	我愿速得成就胜者王
未到彼位生生轮转中	皆得文殊菩萨悲摄受
值遇显密胜道全次第	无间修习令诸胜者喜
我所实解殊胜道联要	皆由猛利大悲引方便
无余灭除众生愚蒙心	长久住持法王圣者教
诸凡佛陀圣教未被地	或虽已蒙被护复衰微
心为大悲所感极撼动	显扬如是利乐法眼藏
佛及佛子清净希有业	圆具所成菩提道次第
祈赐益求解脱众者心	永护胜者无边大事业
成办修道广大妙顺缘	及除违缘障碍人非人
愿汝生生世世不远离	诸佛所赞圆满清净道
若时如理精勤恒修习	最极胜乘道中十法行
尔时力士不舍常作伴	吉祥大海遍及广十方

## 《愿心仪轨》

### 一、皈依发心

诸佛正法众中尊	直至菩提我皈依
我以布施等资粮	为利众生愿成佛

### 二、普贤菩萨七支供

所有十方世界中	三世一切人师子
我以清净身语意	一切遍礼尽无余
普贤行愿威神力	普现一切如来前



一身复现刹尘身  
于一尘中尘数佛  
无尽法界尘亦然  
各以一切音声海  
尽于未来一切劫  
以诸最胜妙花鬘  
如是最胜庄严具  
最胜衣服最胜香  
一一皆如妙高聚  
我以广大胜解心  
悉以普贤行愿力  
我昔所造诸恶业  
从身语意之所生  
十方一切诸众生  
一切如来与菩萨  
十方所有世界灯  
我今一切皆劝请  
诸佛若欲示涅槃  
唯愿久住刹尘劫  
所有礼赞供养佛  
随喜忏悔诸善根

一遍礼刹尘佛  
各处菩萨众会中  
深信诸佛皆充满  
普出无尽妙言辞  
赞佛甚深功德海  
伎乐涂香与伞盖  
我以供养诸如来  
末香烧香与灯烛  
我悉供养诸如来  
深信一切三世佛  
普遍供养诸如来  
皆由无始贪嗔痴  
一切我今皆忏悔  
二乘有学及无学  
所有功德皆随喜  
最初成就菩提者  
转于无上妙法轮  
我今至诚而劝请  
利乐一切诸众生  
请佛住世转法轮  
回向众生及佛道

### 三、受愿心仪轨

希愿度脱有情心  
直至圆满菩提前  
具足慈悲与智慧  
今于佛前诚敬住  
乃至有虚空  
愿吾住世间

诸佛正法与僧伽  
我于汝等恒皈依  
为利有情我精进  
发起无上菩提心  
以及众生住  
尽除众生苦

四、受行心文(三遍)

袞秋森拉达价企	抵巴汤杰梭梭夏
<b>我趋归依于三宝</b>	<b>一一忏悔所造罪</b>
卓威给拉杰伊攘	桑杰强秋伊记耸
<b>随喜有情诸善业</b>	<b>内心记取佛菩提</b>
桑杰却倘措秋喇	强秋把土达价企
<b>我于佛法众中尊</b>	<b>直至菩提趋归依</b>
攘贤屯你啦主企	强秋森尼戒巴记
<b>为能成就自他利</b>	<b>我要生起菩提心</b>
强秋秋记森尼戒祈馁	森间汤戒达给种吐涅
<b>愿我生起殊胜菩提心</b>	<b>然后接待一切众生客</b>
强秋倔秋以喻戒巴记	卓拉片企桑杰竹巴秀
<b>修习悦意殊胜菩提行</b>	<b>为利众生成就佛果位</b>

## 《供茶偈》

### (早上) 供养法王

文殊师利勇士语自在      智慧妙瓶充满智甘露  
广大持教戏海美庄严      至圣手持白莲我供养

### 供养三宝

惟愿我等眷属众      世是不离三宝尊  
恒常供养三宝尊      三宝加持祈降临

### 供养上师

本尊大师诸佛真实体      八万四千正法本源处  
一切至圣众中最明亮      具恩上师诸尊我供养

### (下午) 供养世尊

俱胝圆满妙善所生身      成满无边众生希愿语  
如实观见无余所知意      于是释迦尊主我供养

### 供养密集 胜乐 大威德等本尊

密集金刚胜乐黑茹迦      大吉祥尊能怖金刚等  
无数四续部中坛城主      本尊天众诸尊我供养

### 供养护法

昔于薄伽梵尊前      承许如法修行者  
当如爱子而守护      护法诸尊我供养

# 《中观四百论》

## 序言

《四百论》是圣提婆(译为圣天)菩萨所造。圣提婆是师子国王子，自幼聪慧异常，对世间学问及古印度当时各种教派无不精通。及至成年出家，游历诸方，至南天竺，遇龙树菩萨，受学中观法门，深得龙树正义，遂成为龙树入室高足，继承龙树大弘中观。他与龙树虽是师承关系，但后来的中观学者将其造诣视与龙树相等，因此，此论虽是圣提婆所造，实际即与龙树的著作一样，成为中观学派的根本教典。

《四百论》藏文叫《菩萨瑜伽行四百论》。龙树诸论多注重说明诸法空理，至于菩萨修行次第或过程，直接谈得很少，而此论在抉择一切法无自性以前，先侧重说明菩萨修行的次第过程，因此名《菩萨瑜伽行四百论》。

此论共有十六品，分为两大段，前八品是说明世俗行的修法，后八品是依胜义谛抉择诸法空理。前八品说明世俗行，因为菩萨若欲修行，首先要认清世间诸法的真相，然后方能如理修行。

世间诸法本来生灭无常，但是一般凡夫确认为世间是常，不知无常是诸法的真相，因此执著流转生死。为破此常倒，所以开宗第一即是「破常执品」。

有情虽已知世间无常，然犹执此无常苦法为乐，由此执缚不得解脱。为破此乐倒，故第二名为「破乐执品」。

虽知世间无常皆苦，然犹执始无常苦法不净为净。为抉择有漏不净，故第三名为「破净执品」。

世间有情皆执有我(人我)，由此起惑造业往返六趣。为对治我倒，故第四名为「破我执品」。

此四品主要是说明世间本来的现象，对治凡夫粗重的烦恼。既明了世间无常、苦、不净、无我的道理，菩萨便欲求学道、学佛、成佛。然成佛必须修菩萨行，为明修行菩萨行故，所以有第五品「菩萨行品」。

菩萨虽欲修行，因为有无始烦恼作障，不能如法修行。若欲修行顺利，必须前除烦恼，故有第六「断烦恼品」。

烦恼生起必有境界，然有境界不一定就起烦恼，对当前境若不通达真性，不如理作意，即起烦恼。若能通晓真理，如理作意，即不起烦恼。为明烦恼境界故，即有第七「离贪著欲财品」。

纵然具有以上善法，然而是否堪充深净法器。真法器相状，如《入中论》说：「若异生位闻空性，内心数数发欢喜，由喜引生泪流注，周身毛孔自动竖。」为陶炼法器，故有第八「净治弟子品」。

既能远离尘垢，是真法器，方堪入胜义真空，所以后八品使得畅辩诸法自性空义。其中八品，初是「破常品」，总破外道各种常执。第二「破我品」，别破外道我常的邪计。其后「破时品」、

「破见品」、「破根境品」、「破边执品」、「破有为相品」，是破外道中不同的断常执著。于是破执既周，然后「教诫弟子品」，广立正义。这便是此论内容的概略。

护法论师把此论分为两部，前八品名《法百论》，后八品名

《辩百论》，而月称论师仍把它作为一部解释。奘法师依据护法所谓《辩百论》而译此论后八品，名《广百论》。但是藏文没有

「广」字的意思，其所以加「广」字，或是对罗什所译《百论》而言，也可能是因为不只一百颂广破诸执，所以叫《广百论》。月称论师说在古印度也有略去「四」字而叫作《百论》的。又「百」在梵文有破除分别的意思，所以在古印度或名《百论》，因有四百颂，或名《四百论》。

为了此论的完整，今依据藏文将此论译出，其中后八品即存玄奘法师的原译，但遇有与藏文不同处，仍将藏文的文意译出，附注于每品之后<sup>1</sup>，以便参考。

一九六零年一月二十日法尊于北京北海

1 编者：下文将二译并列，即第一品至第八品系法尊法师依藏文补译；第九品起则并列玄奘法师原译，以标楷体字标示，而法尊法师的译文，以粗明体字标示。又，颂文编号为编者所加。后八品单一译文，是二译师相同译文。

# 《中观四百论》

圣天菩萨造  
玄奘法师、法尊法师译

## 第一品 明破常执方便品

01. 若有三世主，自死无教者，彼犹安然睡，有谁暴于彼。
02. 为死故而生，随他行本性，现见是为死，非是为存活。
03. 汝见去时短，未来时间长，汝思等不等，显同怖呼唤。
04. 由死共他故，汝无死畏者，岂唯害一人，由嫉使生苦。
05. 老病可治故，汝无畏死者，后罚无可治，汝极应畏死。
06. 如所宰众畜，死是众所共，复现见死者，汝何不畏死。
07. 由时无定故，便思我常者，则终有一日，死来伤害汝。
08. 只顾未来利，不顾生命尽，谁说自卖身，称汝为智者。
09. 何故自为质，造作诸恶业，汝定如智者，对我已离染。
10. 任谁所谓活，唯心刹那顷，众生不了彼，故自知极少。
11. 汝爱久存活，而不乐衰老，噫同类众生，见汝行为善。
12. 汝应忧自死，何忧儿孙等，自过而责他，岂非所应呵。
13. 若时未请求，自来为子女，彼不问自去，非是不应理。
14. 唯由愚痴故，不知子行相，此欲他去相，已用老衰表。
15. 如父爱其子，彼则不如是，世间向下行，故难生天趣。
16. 若时不随顺，则都无所爱，尔时起贪爱，唯同于贸易。

17. 由离所生苦，人心速消失，可观由离苦，表贪不坚固。
18. 既知自损恼，都无少功德，汝自为诡诈，此亦不应理。
19. 如为分怖苦，世间遍流转，于已苦众生，怖苦复何为。
20. 若喜彼集聚，何不喜彼离，集聚与分离，岂非俱时有。
21. 过去无有始，未来无有终，何故汝见合，不见长时离。
22. 刹那等诸时，定如诸怨害，故于彼怨害，汝都不应贪。
23. 恶慧怖分离，不能出家者，智者定应作，谁待于治罚。
24. 汝思作此已，后当往林间，若作已后弃，作彼有何德。
25. 若谁有此念，思我定当死，彼已舍贪故，于死更何畏。

## 第二品 明破乐执方便品

01. 虽见身如怨，然应保护身，具戒久存活，能作大福德。
02. 人苦从身生，安乐由他起，身是众苦器，汝何重此身。
03. 若人所生乐，不能大于苦，如是极大苦，宁犹思惟小。
04. 世人皆趋乐，乐者实难得，故于此众生，众苦如随逐。
05. 如欲能得苦，乐岂能如欲，汝何重希者，多者何不畏。
06. 已得安乐身，反成众苦器，重身与重怨，二者实相同。
07. 身虽久享乐，不能成乐体，谓他胜本性，此定不应理。
08. 胜者为意苦，劣者从身生，即由此二苦，日日坏世间。
09. 乐由分别生，分别随苦转，是故除苦外，更无大力者。
10. 如如时渐进，如是苦渐增，故乐于此身，现见属客性。
11. 苦因缘众多，众病及外事，不见于人类，有尔许乐因。
12. 如乐正增长，现见即回转，不见苦增长，有如是回转。
13. 安乐俱因缘，现见可回转，众苦俱因缘，终无回转者。
14. 汝正死时去，现去及当去，正死说为乐，毕竟不应理。
15. 诸有情常有，饥渴等逼迫，逼迫说为乐，毕竟不应理。
16. 无能诸大种，和合说名生，相违说为乐，毕竟不应理。
17. 寒冷等对治，非能常时有，正坏说为乐，毕竟不应理。
18. 无劳而享受，地上都非有，说作业为乐，毕竟不应理。



19. 自于此后世，常应防罪恶，有恶趣云乐，毕竟不应理。
20. 诸人于乘等，安乐非恒常，若初无发起，彼后何增长。
21. 如有于金器，呕吐生欢喜，如是于治苦，有妄思为乐。
22. 初起灭已生，苦起亦何乐，故思能仁说，生灭皆是苦。
23. 异生不见苦，云被乐所覆，然能障蔽苦，其乐都非有。
24. 当告异生说，汝苦不离染，如来决定说，痴中最下者。
25. 无常定有损，有损则非乐，故说凡无常，一切皆是苦。

### 第三品 明破净执方便品

01. 虽经久受用，境无穷尽际，如恶医治病，汝身劳无果。
02. 如有依土虫，爱土终不息，如是爱欲人，欲望增亦尔。
03. 一切诸妇女，稠密无差异，色亦为他用，美女汝何为。
04. 谁于谁悦意，彼由彼生喜，犬等亦所共，恶慧汝何贪。
05. 汝得端正女，原为众人共，获彼汝觉奇，此奇实非有。
06. 具德则觉爱，相违则生嗔，不决定住故，前后何者实。
07. 愚夫起贪欲，非唯具德者，无因而转趣，其灭岂从因。
08. 若时未知他，尔时爱其夫，妇女如恶症，常应防外缘。
09. 壮年自所作，老时不乐彼，如何解脱者，于彼不忧恼。
10. 不贪者无乐，非愚亦无贪，若意常外驰，彼乐为何等。
11. 如汝常爱重，不能常与合，属我非他有，此摄持何为。
12. 若贪即是乐，妇女应无用，未曾见有说，乐是所弃舍。
13. 虽与妇相合，乐从余缘生，非愚孰妄执，唯妇为乐因。
14. 贪蔽如搔癩，不见欲过失，离欲者则见，贪苦如癩者。
15. 无怙饥所迫，饥时所动作，贪者遇女时，动作亦如是。
16. 有由骄傲故，于厕亦生著，有者贪其妇，于他起嫉心。
17. 于不净起痴，起嗔较应理，于彼起贪爱，毕竟不应理。
18. 除人不净器，尚为所应呵，不净所从出，何不思呵毁。

19. 若一切净物，后触成不净，智人谁能说，彼中有净性。
20. 有唯住秽室，无秽则不住，于彼不净虫，愚故生骄傲。
21. 随用何方便，身内不能净，汝应勤净内，非如是净外。
22. 若具污秽身，如癞非众同，有秽如癞者，则为众所弃。
23. 如人肢残缺，假鼻生欢喜，花等治不净，贪著亦如是。
24. 若处生离贪，彼不应名净，决定为贪因，是事都非有。
25. 无常与不净，苦性及无我，总于一事上，四性皆容有。

## 第四品 明破我执方便品

01. 我我所骄傲，世智者谁起，以一切有情，诸境皆共故。
02. 大分雇公仆，汝有何所骄，随所负责任，要待他授给。
03. 如佣得所得，思主为施者，主给所应给，自矜为施主。
04. 余视为苦处，汝起颠倒念，以他事存活，汝由何生喜。
05. 王是护世者，亦为世所护，由一而生骄，余何不离骄。
06. 种中喜自业，存活者难得，若汝获不善，汝难得善趣。
07. 若由他使作，世说彼为愚，如汝随他转，更无有余者。
08. 要由我保护，取世间工资，若自作罪恶，无悲谁同彼。
09. 若作罪众生，非是所悲悯，则愚夫异生，皆非所庇护。
10. 自生欢喜因，随处皆非无，由教等为因，不能灭非福。
11. 若谓正防护，国王便为法，烦恼诸匠人，何缘不成法。
12. 世间依国王，国王尤可诃，喻善诃有爱，普为世间母。
13. 非愚不得王，愚人无悲悯，国王虽护者，无悲不住法。
14. 诸仙一切行，智者不全为，以彼诸仙中，有劣中胜故。
15. 往昔诸善王，护世如爱子，诸依诤世法，今如鹿旷野。
16. 若得便为害，国王无罪者，盗贼便害他，最初亦非有。
17. 若于酒等事，舍财非供养，阵中舍自身，岂思为供养。
18. 国王护世间，汝全无依怙，怙者自无助，谁能生欢喜。

19. 国王命终后，名称无少德，无德与屠狗，何无大名称。
20. 若时大权势，由自福德招，是则不可说，此终无权势。
21. 诸生活方便，世间说名种，故一切有情，无种姓差别。
22. 过去时久远，女性意动摇，是故刹帝力，非由种姓生。
23. 首陀由作业，既成刹帝力，首陀由作业，何非婆罗门。
24. 如王分权利，不能分罪恶，智者谁为他，自摧毁后世。
25. 自在所起慢，当观他有势，若等若增胜，善士心不起。

## 第五品 明菩萨行品

01. 诸佛所动作，都非无因缘，乃至出入息，亦为利有情。
02. 犹如死主声，世间皆生畏，如是遍智声，死主亦生畏。
03. 佛知作不作，应说不应说，以是何因说，遍智非遍智。
04. 除心则行等，不见有福等，是故诸业中，唯意为主要。
05. 菩萨由意乐，若善若不善，一切成妙善，以意自在故。
06. 菩萨初发心，胜过大地上，一切众生类，转轮王福德。
07. 若有建宝塔，高与世间等，调伏使发心，说福胜于彼。
08. 师长欲利他，应承事弟子，因彼不知利，故名为弟子。
09. 如鬼执虽嗔，医者不生恼，能仁观烦恼，非惑系众生。
10. 随彼何所喜，先应观彼法，倘若已失坏，都非正法器。
11. 如母于病儿，特别觉痛爱，如是诸菩萨，特意悯恶者。
12. 或作彼弟子，或作彼师长，以种种方便，令有情通达。
13. 如善巧良医，少有不治症；获巧力菩萨，非所化甚少。
14. 若菩萨境中，有由未策励，堕落于恶趣，是智者所呵。
15. 若于他苦迫，不欲赞悲悯，如何于无怙，能哀悯行施。
16. 若有为利他，久住于世间，间住尚有损，况真心起嗔。
17. 若一切生中，常具足五通，于劣现劣身，此乃最难行。
18. 方便诸时中，久远所集福，如来说彼量，尚非遍智境。

19. 施声能显示，死法及余有，是故于菩萨，施声恒优美。
20. 若谓今行施，当感大果报，有所取所舍，如商贾应呵。
21. 若昔所作恶，有亦成非有，彼具善业者，无有不能办。
22. 大势心意者，此间亦无损，故彼视三有，涅槃无差别。
23. 若谁一切时，从心自在生，何因彼不成，一切世间主。
24. 世间亦现见，从胜出最胜，故不思議力，应知亦定有。
25. 如是甚深法，愚夫生恐惧，如是劣根者，怖最希有法。

## 第六品 明断烦恼方便品

01. 由乐增长贪，由苦增长嗔，若乐非苦行，苦何为苦行。
02. 贪业能摄集，嗔业起斗争，痴业能增长，如风于大种。
03. 不会故贪苦，无助故嗔苦，无知故愚痴，由彼不达彼。
04. 如现见痰病、胆病不俱起；如是现见嗔，与贪不俱起。
05. 役贪如奴仆，不爱治彼故；敬嗔如事主，爱敬治彼故。
06. 初时愚痴生，中间起嗔恚，末后生贪欲，每日三时起。
07. 贪非亲似亲，汝于彼无畏，人于无益亲，岂非特应离。
08. 贪有从因生，亦有从缘起，从缘所起贪，易纠治非余。
09. 嗔恚极坚固，定恶作大罪，知如是差别，当尽烦恼际。
10. 如身中身根，痴遍一切住，故一切烦恼，由痴断随断。
11. 若见缘起理，愚痴则不生，故此一切力，唯应说彼语。
12. 常好歌舞等，舍受者洁净，现见有贪人，有如是等相。
13. 佛教有贪者，衣食及住处，一切离善妙，常依师长住。
14. 无能而嗔恚，唯使自己丑；有能亦无悲，说此最下等。
15. 说不悦意声，能净昔作恶，愚蒙不善士，不乐自清静。
16. 所闻不悦意，自住无损恼，故从分别生，妄执由他起。
17. 如对毁骂者，则说应治罚，如是对赞者，何不说供养。
18. 汝不说可呵，若余亦知者，不应嗔说者，况嗔不实说。



19. 从诸恶劣人，非仅出恶语，恶人发恶语，实属于少分。
20. 损害于他人，于自无少德，汝重无德嗔，唯属于妄执。
21. 若忍无劬劳，能得大福德，若于忍作障，有谁愚同彼。
22. 特对强力者，嗔恚则不起，嗔唯陵羸弱，汝何敬重彼。
23. 若于嗔处忍，能生诸修德，于德处云畏，汝唯是愚夫。
24. 谁灭尽侮毁，而生于他世，与其自作恶，受侮尤善哉。
25. 若谁能真知，内识住等相，有此智慧者，烦恼终不住。

## 第七品 明人远离贪著欲财方便品

01. 于此大苦海，毕竟无边际，愚夫沉此中，云何不生畏。
02. 韶华适落后，复又现于前，虽住此世间，现见如赛跑。
03. 汝于三有中，非能随愿往，随他转无畏，岂成有慧者。
04. 未来无边际，常时为异生，如汝过去世，理应勿复尔。
05. 闻者所闻教，说者皆难得，以是说生死，非有边无边。
06. 由于诸人类，多持不善品，以是诸异生，多堕于恶趣。
07. 地上恶异熟，故意为损恼，圣者观三有，等同备宰处。
08. 若识不正住，世说为颠狂；则住三有者，智谁说非狂。
09. 现见行等苦，违时则消失，以是具慧者，发心尽诸业。
10. 若时随一果，初因不可见，一果见多因，谁能不生畏。
11. 既非一切果，决定能成办，所办一定灭，为彼何自害。
12. 业由功所造，作已无功灭，虽如是而汝，于业不离染。
13. 过去则无乐，未来亦非有，现在亦行性，汝劳竟何为。
14. 智者畏天趣，亦等同地狱，彼等于三有，难得不生畏。
15. 若凡夫亦知，一切生死苦，则于彼刹那，身心同毁灭。
16. 有情无慢少，有慢则无悲，从明至明者，故说极难得。
17. 弃舍此境已，要求得境界，如是颠倒法，何因许为正。
18. 福果为财富，常须防护他，若常防他者，如何为我所。

19. 世间诸规律，随彼行名法，是故较于法，世间力尤强。
20. 境由善可爱，彼境亦为恶，舍彼成吉祥，修彼复何为。
21. 谁不用教敕，彼则不需法，谁求得教敕，是众中愚人。
22. 由见未来果，汝贪爱法者，见贪未来边，岂不畏何为。
23. 如佣人修福，全同为工资，若尚不乐善，何能作不善。
24. 若谁见众生，如机关幻人，彼等极明显，能趣于胜位。
25. 若谁于生死，诸境皆不喜，则彼于此间，都无可爱乐。

## 第八品 净治弟子品

01. 如对不顺人，爱念不久住，如是知众过，爱念不久存。
02. 有者于彼贪，有者对彼嗔，有者于彼愚，故无可贪义。
03. 若无有分别，则无有贪等，智者谁执著，真义谓分别。
04. 任谁与他人，都无同系缚，若与他同系，分离则非理。
05. 薄福于此法，都不生疑惑，若谁略生疑，亦能坏三有。
06. 能仁说何法，增长至解脱，若谁不重彼，显然非智者。
07. 非不空观空，谓我得涅槃，如来说邪见，不能得涅槃。
08. 何经说世间，彼即说流转；何经说胜义，彼即说还灭。
09. 若汝生怖畏，皆非有何为，若实有所作，此法非能灭。
10. 若汝贪自品，不喜他品者，不能趣涅槃，二行不寂灭。
11. 无作得涅槃，有作招后有，涅槃无碍念，易得余非易。
12. 谁不厌三有，彼岂敬寂灭，如于自家室，难出此三有。
13. 有为苦所逼，现见求自死，时彼愚痴故，不能趣胜道。
14. 为下根说施，为中根说戒，为上说寂灭，常应修上者。
15. 先遮遣非福，中应遣除我，后遮一切见，知此为智者。
16. 说一法见者，即一切见者，以一法空性，即一切空性。
17. 为乐天趣者，如来说爱法，为求解脱者，呵彼况余事。
18. 求福者随时，非皆说空性，良药不对症，岂非反成毒。

19. 如对蔑戾车，余言不能摄，世间未通达，不能摄世间。
20. 有无及二俱，亦说二俱非，由病增上故，宁非皆成药。
21. 真见得胜位，略见生善趣，智者常发心，思惟内体性。
22. 今生知真性，设未得涅槃，后生无功用，定得如是业。
23. 如想所作事，成者极希少，此非无涅槃，诸行解脱得。
24. 闻说身无德，贪爱不久住，此道岂不能，永尽一切惑。
25. 如见种有终，然彼非有始，如是因不具，故生亦不起。

## 第九品 破常品

下文为玄奘法师原译，以标楷体字标示：

双文并列者以粗明体字标示者为法尊法师的译文。

01. 一切为果生，所以无常性；故除佛无有，如实号如来。
02. 无有时方物，有性非缘生；故无时方物，有性而常住。
03. 非无因有性，有因即非常，故无因欲成，真见说非有。
04. 见所作无常，谓非作常住，既见无常有，应言常性无。
05. 愚夫妄分别，谓空等为常，智者依世间，亦不见此义。
06. 非唯一有分，遍诸一切分，故知一一分，各别有有分。
07. 若法体实有，卷舒用可得；此定从他生，故成所生果。
08. 若离所生果，无有能生因，是故能生因，皆成所生果。
09. 诸法必变异，方作余生因，如是变异因，岂得名常住。
10. 若本无今有；自然常为因，既许有自然，因则为妄立。
11. 云何依常性，而起于无常，因果相不同，世所未曾见。
12. 若一分是因，余分非因者，即应成种种，种种故非常。
13. 在因微圆相，于果则非有，是故诸极微，非遍体和合。
14. 于一极微处，既不许有余，是故亦不应，许因果等量。
15. 微若有东方，必有东方分，极微若有分，如何是极微。
16. 要取前舍后，方得说为行，此二若是无，行者应非有。

17. 极微无初分，中后分亦无，是则一切眼，皆所不能见。  
若法无初分，无中分后分，是法无所现，由何者能见。
18. 若因为果坏，是因即非常，或许果与因，二体不同处。  
若果能坏因，是则因非常，或是处有因，彼处即无果。
19. 不见有诸法，常而是有对，故极微是常，诸佛未曾说。
20. 离缚所缚因，更无真解脱，生成用阙故，设有亦名无。  
离缚所缚因，若有余解脱，彼都无所生，故不名解脱。
21. 究竟涅槃时，无蕴亦无我，不见涅槃者，依何有涅槃。
22. 我时舍诸德，离爱有何思，若有我无思，便用无所有。  
离爱解脱时，有思有何德，若无思有我，便同无所有。
23. 无余有我种，则定能生思，要无我无思，诸有乃无有。  
若解脱有我，则容有思种，无我则于有，思惟亦非有。
24. 若离苦有我，则定无涅槃，是故涅槃中，我等皆永灭。  
诸脱离苦人，定非由他有，是故应称说，我一切永尽。
25. 宁在世间求，非求于胜义，以世间少有，于胜义都无。

## 第十品 破我品

01. 内我实非男、非女非非二，但由无智故，谓我为丈夫。
02. 若诸大种中，无男女非二，云何诸大种，有男等相生。
03. 汝我余非我，故我无定相，岂不于无常，妄分别为我。
04. 我即同于身，生生有变易，故离身有我，常住理不然。
05. 若法无触对，则无有动摇，是故身作业，非命者能造。
06. 我常非所害，岂烦修护因，谁恐食金刚，执仗防众蠹。
07. 若有宿生念，便谓我为常，即见昔时痕，身亦应常住。
08. 若我与思合，转成思念者，思亦应非思，故我非常住。
09. 我与乐等合，种种如乐等，我如乐等故，非一亦非常。  
我与乐等合，种种如乐等，故应如乐等，理不应是常。
10. 若谓我思常，缘助成邪执，如言火常住，则不缘薪等。
11. 如至灭动物，作用彼无有，故有我无思，其理不成就。  
物不如作用，至灭而有动，故有我无思，其理不成就。
12. 余方起思界，别处见于思，如铁链熔销，我体一变坏。
13. 思如意量小，我似虚空大，唯应观自相，则不见于思。
14. 我德若周遍，何为他不受，能障既言通，不应唯障一。  
我德若周遍，何为他不受，彼于彼自体，言障不应理。



15. 若德并非思，何能造一切，彼应与狂乱，俱痴无所成。  
若德是作者，毕竟无有思，则彼与狂乱，应全无差别。
16. 若德能善解，造舍等诸物，而下知受用，非理宁过此。
17. 有动作无常，虚通无动作，无用同无性，何不欣无我。
18. 或观我周遍，或见量同身，或执如极微，智者达非有。
19. 常法非可恼，何舍恼解脱，是故计我常，证解脱非理。  
常法非可恼，无恼宁解脱，是故计我常，证解脱非理。
20. 我若实有性，不应赞离我，定知真实者，趣解脱应虚。  
我若实有性，不应思无我，定知真实者，趣解脱应虚。
21. 解脱中若无，前亦应非有，无杂时所见，彼真性应知。  
若解脱时有，前亦应非无，无杂时所见，说彼为真性。
22. 若无常皆断，草等何不然，此理设为真，无明亦非有。  
若无常即断，今何有草等，此理若真实，应皆无愚痴。
23. 现见色等行，从缘生住灭，故知汝执我，虽有而无有。  
设有所执我，现见色等行，唯从他缘生，从他缘住灭。
24. 如缘成芽等，缘成种等生，故无常诸法，皆无常所起。
25. 以法从缘生，故体而无断；以法从缘灭，故体亦非常。

## 第十一品 破时品

01. 瓶等在将来，即非有过现，未来过现有，便是未来无。
02. 未来若已谢，而有未来体，此则恒未来，云何成过现。  
未来若已谢，而有未来体，此则恒未来，云何成过去。
03. 法若在将来，现有未来相，应即为现在，如何名未来。
04. 去来如现有，取果用何无，若体恒非无，何为不常住。  
未来过去有，现有复何无，若一切时有，何缘彼无常。
05. 过去若过去，如何成过去，过去不过去，如何成过去。
06. 未来若有生，如何非现在；未来若无生，如何非常住。
07. 若未来无生，坏故非常者，过去既无坏，如何谓为常。
08. 现在世无常，非由过去等，除斯二所趣，更无有第三。  
过去与现在，皆不成无常，除斯二趣外，第三亦非有。
09. 若后生诸行，先已有定性，说有定性人，应非是邪执。
10. 若法因缘生，即非先有体，先有而生者，生已复应生。
11. 若见去来有，如何不见无，既见有去来，应不说为远。  
若见未来有，何不见无法，既现有未来，应不说为远。
12. 未来法若有，修戒等唐捐；若少有所为，果则非先有。
13. 诸行既无常，果则非恒有；若有初有后，世共许非常。

14. 应非勤解脱，解脱无去来，或许有去来，贪应离贪者。  
应非勤解脱，解脱无未来，是则无贪者，应亦起贪惑。
15. 若执果先有，造宫舍严具，柱等则唐捐，果先无亦尔。
16. 诸法有转变，慧者未曾有，唯除无智人，妄分别为有。  
诸法有转变，意亦不能缘，虽尔无智人，妄计有现在。
17. 无常何有住，住无有何体，初若有住者，后应无变衰。
18. 譬如无一识，能了于二义；如是无一义，二识所能知。
19. 时若有余住，住则不成时，时若余住无，后灭应非有。  
时若有余住，住则不成时；无住住无故，后灭亦非有。
20. 法与无常异，法则非无常；法与无常一，法应非有住。
21. 无常初即劣，住力定应强；此二复何缘，后见成颠倒。
22. 若遍诸法体，无常力初劣，应都无有住，或一切皆常。  
若遍诸法体，无常力非劣，应都无有住，或一切皆常。
23. 无常若恒有，住相应常无；或彼法先常，后乃非常住。
24. 若法无常俱，而定有住者，无常相应妄，或住相应虚。
25. 无所见见无，回心缘妄境，是故唯虚假，有忆念名生。  
已见法不现，非后能生心，故唯虚妄念，缘虚妄境生。

## 第十二品 破见品

01. 禀和希胜慧，是法器应知，异此有师资，无因获胜利。  
质直慧求义，说为闻法器，不变说者德，亦非于闻者。
02. 说有及有因，净与净方便，世间自不了，过岂在牟尼。
03. 舍诸有涅槃，邪宗所共许，真空破一切，如何彼不欣。
04. 不知舍证因，无由能舍证，是故牟尼说，清凉余定无。  
不知舍方便，无由能弃舍，是故牟尼说，余定无涅槃。
05. 若于佛所说，深事以生疑，可依无相空，而生决定信。
06. 观现尚有妄，知后定为虚，诸依彼法行，被诳终无已。
07. 智者自涅槃，是能作难作，愚夫逢善导，而无随趣心。
08. 不知无怖畏，遍知亦复然，定由少分知，而生于怖畏。
09. 生死顺流法，愚夫常习行，未曾修逆流，是故生怖畏。
10. 诸有愚痴人，障他真实见，无由生善趣，如何证涅槃。
11. 宁毁犯尸罗，不损坏正见，尸罗生善趣，正见得涅槃。
12. 宁彼起我执，非空无我见，后兼向恶趣，初唯背涅槃。  
愚宁起我执，非说无我理，一者向恶趣，胜者趣涅槃。
13. 空无我妙理，诸佛真境界，能怖众恶见，涅槃不二门。  
空无我妙理，诸佛真境界，能坏众恶见，涅槃不二门。

14. 愚闻空法名，皆生大怖畏，如见大力者，怯劣悉奔逃。  
愚闻空法名，皆生大怖畏，岂见大力者，怯弱不生畏。
15. 诸佛虽无心，说摧他论法，而他论自坏，如野火焚薪。
16. 诸有悟正法，定不乐邪宗，为余出伪门，故显真空义。  
诸有悟正法，定不乐邪宗，故我见此法，如同能灭门。
17. 若知佛所说，真空无我理，随顺不生欣，乖违无厌怖。  
若知佛所说，真空无我理，有亦无所欣，无亦无所怖。
18. 见诸外道众，为多无义因；乐正法有情，谁不深悲悯。
19. 婆罗门离系，如来三所宗，耳眼意能知，故佛法深细。
20. 婆罗门所宗，多令行诳诈；离系外道法，多分顺愚痴。
21. 恭敬婆罗门，为诵诸明故；悯念离系者，由自苦其身。
22. 如苦业所感，非真解脱因，胜身业所生，亦非证解脱。  
如苦业所感，不成为正法，如是生非法，是业异熟故。
23. 略言佛所说，具二别余宗，不害生人天，观空证解脱。  
如来所说法，略言唯二种，不害生人天，观空证涅槃。
24. 世人耽自宗，如爱本生地，正法能摧灭，邪党不生欣。  
世人耽自宗，如爱本生地，于能灭彼因，汝何能生欣。
25. 有智求胜德，应信受真宗，正法如日轮，有目因能见。  
有智求胜德，亦爱他真理，日轮于地上，有目皆共睹。

### 第十三品 破根境品

01. 于瓶诸分中，可见唯是色，言瓶全可见，如何能悟真。  
若见瓶色时，非能见一切，见真者谁说，瓶为可现见。
02. 诸有胜慧人，随前所说义，于香味及触，一切类应遮。
03. 若唯见瓶色，即言见瓶者，既不见香等，应名不见瓶。  
若由见色故，便言见一切，由不见余故，色应名不见。
04. 有障碍诸色，体非全可见，彼分及中间，由此分所隔。  
即唯于瓶色，亦非现见性，以彼有彼分，此分中分故。
05. 极微分有无，应审谛思察，引不成为证，义终不可成。
06. 一切有碍法，皆众分所成，言说字亦然，故非根所取。  
一切成分色，复成为有分，故言说文字，此中亦非有。
07. 离显色有形，云何取形色，即显取显色，何故不由身。
08. 离色有色因，应非眼所见，二法体既异，如何不别观。  
如离于色外，不见于色因，若如是二体，何故眼不取。
09. 身觉于坚等，共立地等名，故唯于触中，说地等差别。  
见地名为坚，是身根所取，以是唯触中，乃可说名地。
10. 瓶所见生时，不见有异德，体生如所见，故实性都无。  
由所见生故，此瓶无少德，故如所见生，其有性非有。
11. 眼等皆大造，何眼见非余，故业果难思，牟尼真实说。
12. 智缘未有故，智非在见先，居后智唐捐，同时见无用。

13. 眼若行至境，色远见应迟，何不亦分明，照极远近色。
14. 若见已方行，行即为无用，若不见而往，定欲见应无。  
若见色眼行，其行则无德，或名所欲见，言定则成妄。
15. 若不往而观，应见一切色，眼既无行动，无远亦无障。
16. 诸法体相用，前后定应同，如何此眼根，不见于眼性。  
一切法本性，先应自能见，何故此眼根，不见于眼性。
17. 眼中无色识，识中无色眼，色内二俱无，何能合见色。  
眼中无有识，识中亦未见，色中二俱无，彼何能见色。
18. 所闻若能表，何不成非音，声若非能诠，何故缘生解。  
若声说而行，何不成说者，若不说而行，何缘生彼解。
19. 声若至耳闻，如何了声本，声无顿说理，如何全可知。  
若至耳取声，声初由何取，声非单独至，如何能单取。
20. 乃至非所闻，应非是声性，先无而后有，理定不相应。  
声乃至未闻，应非是声性；无声后成声，此定不应理。
21. 心若离诸根，去亦应无用，设如是命者，应常无有心。
22. 令心妄取尘，依先见如焰，妄立诸法义，是想蕴应知。
23. 眼色等为缘，如幻生诸识，若执为实有，幻喻不应成。
24. 世间诸所有，无不皆难测，根境理同然，智者何惊异。
25. 诸法如火轮，变化梦幻事；水月彗星响，阳焰及浮云。

## 第十四品 破边执品

01. 诸法若实有，应不依他成，既必依他成，定知非实有。  
若有任何法，都不依他成，可说为实有，然彼皆非有。
02. 非即色有瓶，非离色有瓶，非依瓶有色，非有瓶依色。  
非一色即瓶，非异瓶具色，非依瓶有色，非有瓶依色。
03. 若见二相异，谓离瓶有同，二相既有殊，应离瓶有异。  
若见二相异，谓离瓶有同，非尔是则同，何不异于瓶。
04. 若一不名瓶，瓶应不名一，瓶一曾无合，瓶应无一名。  
若一不名瓶，瓶应不名一，此具非相等，由此亦非一。
05. 若色遍于实，色实得大名，敌论若非他，应申自宗义。
06. 有数等能相，显所相不成，除此更无因，故诸法非有。  
非由于能相，能成其所相，此中异数等，实性亦非有。
07. 离别相无瓶，故瓶体非一，一一非瓶故，瓶体亦非多。
08. 非无有触体，与有触体合，故色等诸法，不可合为瓶。
09. 色是瓶一分，故色体非瓶，有分既为无，一分如何有。
10. 一切色等性，色等相无差，唯一类是瓶，余非有何理。
11. 若色异味等，不异于瓶等，瓶等即味等，色何即瓶等。  
若色异味等，不异于瓶等，无彼等自无，如何不异色。
12. 瓶等既无因，体应不成果，故若异色等，瓶等定为无。



13. 瓶等因若有，可为瓶等因，瓶等因既无，如何生瓶等。  
若瓶由因生，因复从他成，自体尚不成，如何能生他。
14. 色等和合时，终不成香等，故和合一体，应如瓶等无。
15. 如离于色等，瓶体实为无，色体亦应然，离风等非有。
16. 暖即是火性，非暖如何烧，故薪体为无，离此火非有。
17. 余暖杂故成，如何不成火，若余不成暖，由火法应无。  
余暖杂成故，如何不成火，若余不成暖，不可说彼有。
18. 若火微无薪，应离薪有火，火微有薪者，应无火极微。  
若火微无薪，应离薪有火，火微有薪者，则无一极微。
19. 审观诸法时，无一体实有，无体既非有，多体亦应无。
20. 若法更无余，汝谓为一体，诸法皆三性，故一体为无。
21. 有非有俱非，一非一双泯，随次应配属，智者达非真。
22. 于相续假法，恶见谓真常，积集假法中，邪执言实有。
23. 诸法众缘成，性羸无自在，虚假依他立，故我法皆无。  
若有从缘成，彼即无自在，此皆无自在，是故我非有。
24. 果众缘合成，离缘无别果，如是合与果，诸圣达皆无。  
诸法若无果，皆无有和合，为果而和合，圣见彼无合。
25. 识为诸有种，境是识所行，见境无我时，诸有种皆灭。

## 第十五品 破有为相品

01. 若本无而生，先无何不起，本有而生者，后有复应生。  
最后无而生，既无何能生；有则本来生，故有岂能生。
02. 果若能违因，先无不应理，果立因无用，先有亦不成。
03. 此时非有生，彼时亦无生，此彼时无生，何时当有生。
04. 如生于自性，生义既为无，于他性亦然，生义何成有。
05. 初中后三位，生前定不成，二二既为无，一一如何有。
06. 非离于他性，唯从自性生，非从他及俱，故生定非有。  
非离于他性，唯从自性生，故从自他俱，其生定非有。
07. 前后及同时，二俱不可说，故生与瓶等，唯假有非真。  
前后及同时，二俱不可说，是故生与瓶，同时生非有。
08. 旧若在新前，前生不应理，旧若居新后，后生理不成。  
若前生故者，前生不成旧，若谓后生者，后生亦不成。
09. 现非因现起，亦非因去来，未来亦不因，去来今世起。  
如现在诸法，不从现世起，非从未来生，亦非从过去。
10. 若具即无来，既灭应非往，法体相如是，幻等喻非虚。  
生既无所来，灭亦无所往，如是则三有，如何非如幻。
11. 生住灭三相，同时有不成，前后亦为无，如何执为有。  
生住灭三相，同时有不成，前后亦为无，如何当有生。

12. 若生等诸相，复有别生等，应住灭如生，或生住如灭。  
若生等诸相，复有一切相，故灭应如生，住亦应如灭。
13. 所相异能相，何为体非常，不异四应同，或复全非有。  
所相异能相，何为体非常，或者彼四法，皆无有自体。
14. 有不生有法，有不生无法，无不生有法，无不生无法。
15. 有不成有法，有不成无法，无不成有法，无不成无法。
16. 半生半未生，非一生时体，或以未生位，应亦是生时。  
生时谓半生，故生时不生，或则应一切，皆我为生时。
17. 生时若是果，体即非生时，生时若自然，应失生时性。  
作为生时体，则不成生时，不作生时体，亦不成生时。
18. 已生异未生，别有中间位，生时异二位，应别有中间。  
若二时中间，无无中间者，则无有生时，彼有中间故。
19. 若谓生时舍，方得已生时，是则应有余，得时而可见。  
由于生时灭，乃有生时生，是故应可见，有余生时体。
20. 若至已生位，理必无生时，已生有生时，云何从彼起。
21. 未至已生位，若立为生时，何不谓无瓶，未生无别故。
22. 非生时有用，能简未生时，亦非体未圆，别于已生位。  
生时体未圆，异于未生位，是亦异已生，故应未生生。

23. 前位生时无，后位方言有，兼成已生位，故此位非无。  
若说言生时，先无后乃有，此亦未生生，未生何能生。
24. 有时名已生，无时名未起，除兹有无位，谁复谓生时。  
体圆说名有，未作说为无，若尚无生时，说何为生时。
25. 诸有执离因，无别所成果，转生及转灭，理皆不可成。  
若时离其因，无别所成果。尔时生与灭，理皆不可成。

## 第十六品 教诫弟子品

01. 由少因缘故，疑空谓不空，依前诸品中，理教应重遣。
02. 能所说若有，空理则为无，诸法假缘成，故三事非有。
03. 若唯说空过，不空义即成，不空过已明，空义应先立。
04. 诸欲坏他宗，必应成己义，何乐谈他失，而无立己宗。
05. 为破一等执，假立遣为宗，他三执既除，自宗随不立。  
若观察即无，彼不成为宗，则一性等三，亦皆非宗义。
06. 许执为现见，空因非有能，余宗现见因，此宗非所许。  
许瓶为现见，空因非有能，余宗所说因，此无余容有。
07. 若无不空理，空理如何成，汝既不立空，不空应不立。  
既无有不空，空复从何起，如无所治品，能治云何成。
08. 若许有无宗，有宗方可立，无宗若非有，有宗应不成。  
若许有宗者，无宗即成宗，无宗若非有，有宗应不成。
09. 若诸法皆空，如何火名暖，此如前具遣，火暖俗非真。  
若诸法皆空，如何火名暖，暖火亦非有，如前已俱遣。
10. 若谓法实有，遮彼说为空，应四论皆真，见何过而舍。
11. 若诸法都无，生死应非有，诸佛何曾许，执法定为无。  
乃至极微体，都无如何生，佛亦未许无，故彼不应理。
12. 若真离有无，何缘言俗有，汝本宗亦尔，致难复何为。

13. 诸法若都无，差别应非有，执诸法皆有，差别亦应无。  
诸法无体性，不应有差别，诸物上共见，彼即无差别。
14. 若谓法非有，无能破有因，破有因已明，汝宗何不立。  
无故于他宗，不能答难者，他因破自宗，何故不自立。
15. 说破因易得，是世俗虚言，汝何缘不能，遮破真空义。
16. 有名诠法有，谓法实非无，无名表法无，法实应非有。
17. 由名解法有，遂谓法非无，因名知法无，应信法非有。
18. 诸世间可说，皆是假非真，离世俗名言，乃是真非假。  
若由世间说，皆世间有者，诸法有自性，何成世间有。
19. 谤诸法为无，可堕于无见，唯蠲诸妄执，如何说堕无。
20. 有非真有故，无亦非真无，既无有真无，何有于真有。  
由无有性故，无性亦非有，有性既非有，无性依何立。
21. 有因证法空，法空应不立，宗因无异故，因体实为无。
22. 谓空喻别有，例诸法非空，唯有喻应成，内我同乌黑。
23. 若法本性空，见空有何德，虚妄分别缚，证空见能除。  
若法本性有，见空有何德，虚妄分别缚，证空见能除。
24. 法成一成无，违真亦违俗，故与有一异，二俱不可言。  
说一有一无，非真亦非俗，是故不能说，此有彼非有。
25. 有非有俱非，诸宗皆寂灭，于中欲兴难，毕竟不能申。

圣天菩萨。造论既周。重叙摧邪。复说颂曰。我在为燎邪宗火，泼以如来正教酥，又扇因明广大风，谁敢如蛾投猛焰。